


11 15

L V S A T I A

S V P E R I O R .



Populi ve-
teres.

Termini.

Incolarum
indoles.

Divisio.

Vrbes.

Gorlitium.

VSATIAM, regionem inter Albim, Viadrum sive Oderam, & Bohemiam montes interjacentem, olim habitata fuisse ab *Elis* vel *Ligiis*, uti à similitudine vocis colligitur, ita etiam à Ioachimo Cureo af-

firmatur. Terminatur à meridie regno Bohemiam; ab occidente Misnia & Saxonia; ad septentrionem Marchiam Brandenburgensem habet; versus orientem claudit latus ejus Silesia inferior. Fuit aliquando Misniae conjuncta. Tandem Bohemi ad se pertraxerunt. Incolarum ingenia, mores, & lingua parum à Silesiis differunt, sed unica fere appellatio, & distincta praefectura discrimen facit. Lusatia duplex est, *Superior* & *Inferior*. Sunt autem in hac superiore, de qua nunc agimus, urbes sex; *Gorlitium*, *Budissina*, *Zittavia*, *Lausena*, *Camensum* & *Lieba*, quas simul Hexapolim vocant; quarum quæque suo jure & privilegiis utitur, & nulli nisi immediate Bohemiarum Regi subest, qui singulis Praefectum praeficere solet jura administrantem: qua de causa etiam sex Regiarum civitates vocari meruerunt, suntque adeo firmo federe inter se junctæ, ut minime divelli queant. *GORLITIVM*, vulgo *Gorlitz*, nobilissima ac primaria superioris Lusatiae urbs, nomen habet à combustione, Slavorum lingua; quo fit ut eam Germani *Brandstat* vocent. Nam quum condita esset, à Sobieslao Bohemiarum Duce, anno 1301, ducentis post annis tota igni absumpta est, adeo ut ne domus quidem una superfuerit. Sed protinus civium industria restituta est majore etiam quam ante elegantia. Sita est ad ripam dexteram Nissae fluvii, ex quo molitores, cerevisarii, tinctorum, insignes commoditates percipiunt. Ejus ripa utraque ponte ligneo & quidem cooperto nequitur. Vrbs ipsa aedificiorum nitore & frequentia claret, muris fossisque, ubi flumen deest, munita. Primarium templum B. Petro sacrum est. Curiam venustat turris. Etsi autem Lusatia superior, mortuo Marchione Waldemaro sine hærede masculo, in potestatem venerit Ioannis Lucelburgici Bohemiarum Regis, ac veluti feudum Bohemiarum regno attributa sit à Ludovico Bavarum Imperatore, mansit tamen Gorlitium in potestate Ducum Silesiae, usque ad annum Christi 1330, quo Zittavia Henrico assignata est, Gorlitium vero ad Bohemiarum Reges rediit, ea lege,

ut in posterum numquam ab eo alienaretur. Nihilominus tamen anno 1352 Carolus IV Imperator Gorlitium Ioanni natu minori jure feudi cum titulo Ducis possidendum dedit, voluitque ut in ejus verba cives jurarent. Sed Ioannem illum cives Gorlicenses ob effrenatam libidinem & insolentiam excludere, qui idcirco in inferiore Lusatia quod reliquum fuit vitae inglorius consumpsit. Eo defuncto Iudocus Moraviae & Brandeburgi Marchio, Wencellai & Sigismundi Regum patruelis, Ducatum Gorlicensem sibi vendicavit, connivente, imo & adnuente Wencellao Bohemiarum Rege. At Gorlicenses missa legatione ad Sigismundum Hungariae Regem, impetrarunt, ut penes Bohemum ditio maneret, neque à regno urbs socia & fida avelleretur, caussati aspera Ioannis imperia, & vinculum antiquae conjunctionis. Ab eo igitur tempore mansit perpetuo Gorlitium junctum regno, neque inde divulsum est. Cœnobium quod in eo est, anno 1234 conditum perhibetur. Schola hic est illustris, quæ aperta est anno Christi 1565, primo ejus Rectore Petro Vincentio Vratislaviensi, ex Academia Witebergensi in illam urbem accito. Hujus egregiam operam ad mitiorem cultum juventus formata est, instillatis sapientiae & veræ pietatis præceptis.

Budissina ad fluvium Spream sita, civitas fuit *Budissina*, admodum amœna aedificiisque nitens, sed novissimis Bohemiarum bellis magnas calamitates perpeffa, saepius occupata & superata est: quum enim Fredericus V, comes Palatinus & Elector, Bohemiarum regnum affectaret, obsedit eam Elector Saxoniae, tunc temporis à partibus Caesaris Ferdinandi stans, & invasit anno 1619. Adveniente vero in Germaniam Sueciae Rege, cui se Saxo jungebat, Dux Wallensteinensis eam recuperavit, & Saxo eam rursus armis petiit & subegit: deinceps iterum Caesareani. Per quas continuas obsidiones, non illa solum in extremam ruinam est redacta & solo æquata, verum etiam circumjacens tractus & tota regio vastata est.

Zittavia initium suum à pago quodam, ad quem Bohemi frumenta sua magna copia advehere, ibique divendere solebant, est auspicata. Exstruxit eam, uti perhibent, Wencellaus, anno Christi 1255, quo muris etiam cincta in fastigium civitatis ascendit: atque deinde in Regum potestate huc usque mansit. Wencellaus II, Bohemiarum Rex, anno 1273 regnum auspicatus, natus est in hac civitate, atque eam ut patriam summopere dilexit, ornavit, & domicilium ibi

GERMANIA.

sapius